

**Pwyllgor ar y Mesur Arfaethedig
ynghylch Gwneud iawn am
Gamweddau'r GIG**

**The Proposed NHS Redress (Wales)
Measure Committee**

Bae Caerdydd / Cardiff Bay
Caerdydd / Cardiff CF99 1NA

20 Gorffennaf 2007

Annwyl Gyfaill

**Ymgynghoriad - Pwyllgor ar y Mesur Arfaethedig ynghylch Gwneud iawn am
Gamweddau'r GIG (Cymru)**

Sefydlwyd y Pwyllgor ar y Mesur Arfaethedig ynghylch Gwneud iawn am Gamweddau'r GIG (Cymru) ar 4 Gorffennaf 2007 i ystyried a chyflwyno adroddiad ar egwyddorion cyffredinol y Mesur Arfaethedig ynghylch Gwneud iawn am Gamweddau'r GIG 2007.

Wrth graffu ar yr egwyddorion cyffredinol, mae'r Pwyllgor wedi cytuno ar gwmpas y gwaith craffu y bydd yn ei wneud cyn y broses ddeddfu, gan weithio o fewn fframwaith y tri chwestiwn cyffredinol canlynol:

1. Pam bod angen Cynllun Gwneud iawn?
2. A yw'r Mesur arfaethedig yn cyflawni amcan y polisi?
3. Beth yw barn y rhanddeiliaid a fydd yn gorfod gweithio gyda system gwneud iawn?

Hefyd, efallai y bydd y Pwyllgor am ystyried rhai cwestiynau mwy manwl, yn benodol:

4. Beth fydd agweddau ymarferol sicrhau fod y system yn gweithio ac a yw'r Mesur arfaethedig yn darparu ar eu cyfer?
5. A yw'n briodol fod cymaint yn cael ei wneud trwy reoliadau, h.y. bydd manylion unrhyw gynllun neu gynlluniau yn cael eu penderfynu gan Weinidogion yng Nghymru?
6. Mae'r Mesur yn ymdrin â gwneud iawn mewn perthynas ag atebolrwydd mewn camwedd, h.y. lle mae rhywfaint o fai wedi'i brofi heb droi at y llysoedd. A

Ffon / Tel: 029 2089 8224
Ffacs / Fax: 029 2089 8021
Minicom: 029 2082 3280

E-bost / E-mail: legislationoffice@wales.gsi.gov.uk

fyddai'n well pe bai'r Cynulliad yn gofyn i San Steffan am y pwerau i gyflwyno 'cynllun dim bai'?

Ysgrifennaf i'ch gwahodd i gyflwyno tystiolaeth i'r Pwyllgor ar sail y cwestiynau a nodir uchod. Efallai nad yw'r cyfan o'r cwestiynau hyn yn berthnasol i'ch sefydliad chi, ac felly nid oes angen i chi gyfeirio atynt yn eich tystiolaeth.

Gellir cael rhagor o wybodaeth am y Mesur arfaethedig a'r broses ddeddfwriaethol trwy fynd i safle <http://www.assemblywales.org/bus-home/buslegislation.htm>

Os ydych yn dymuno cyfrannu at waith y pwyllgor, dylid anfon cyflwyniadau, os yn bosibl trwy'r e-bost neu ar ddisg, neu trwy gyfrwng copi caled at:

Siân Wilkins, Clerc y Pwyllgor, Y Swyddfa Ddeddfwriaeth, Cynulliad Cenedlaethol Cymru, Bae Caerdydd, CF99 1NA.

E-bost: legislationoffice@wales.gsi.gov.uk. (Nodwch 'Ymgynghoriad Pwyllgor NHSR' fel teitl i'r e-bost os gwelwch yn dda.)

Dylai cyflwyniadau gyrraedd y Cynulliad erbyn dydd Gwener 14 Medi 2007. Efallai na fydd yn bosibl ystyried ymatebion a dderbynnir ar ôl y dyddiad hwn.

Wrth lunio eich cyflwyniad, cofiwch y materion canlynol os gwelwch yn dda:

- Dylai eich ymateb fod mor gryno ag y bo modd. Rhowch gyfeirnod ar eich ymateb gan ddefnyddio'r teitl a ddefnyddir uchod os gwelwch yn dda;
- Mae'r Cynulliad Cenedlaethol fel arfer yn sicrhau fod ymatebion i ymgynghoriadau cyhoeddus ar gael i'r cyhoedd graffu arnynt ac fe allant hefyd gael eu gweld a'u trafod gan Aelodau'r Cynulliad mewn cyfarfodydd Pwyllgor. Os nad ydych am i'ch ymateb na'ch enw gael ei gyhoeddi, mae'n bwysig eich bod yn nodi hynny'n amlwg yn eich cyflwyniad;
- Nodwch a ydych yn ymateb ar ran sefydliad, neu fel unigolyn os gwelwch yn dda;
- Nodwch os gwelwch yn dda a fyddech yn fodlon cyflwyno tystiolaeth lafar i'r Pwyllgor.

Mae'r Pwyllgor yn croesawu cyfraniadau yn Gymraeg ac yn Saesneg a bydd yn ystyried ymatebion i'r ymgynghoriad ysgrifenedig yn ystod tymor yr hydref.

Os oes gennych unrhyw ymholiadau, cysylltwch â'r Clerc (ar y rhif ar waelod y ddalen) neu Sarah Beasley, y Dirprwy Glerc (ffôn: 029 2089 8032).



Jonathan Morgan AC
Cadeirydd

Ffon / Tel: 029 2089 8224
Ffacs / Fax: 029 2089 8021
Minicom: 029 2082 3280

E-bost / E-mail: legislationoffice@wales.gsi.gov.uk